

Primjena Ugovora o slobodnoj trgovini u 2005. godini

Bosna i Hercegovina je u periodu od 2000.godine potpisala nekoliko Ugovora o slobodnoj trgovini sa više zemljama. Neki od tih Ugovora nisu u primjeni odnosno shodno odredbama istih, uvozne carine, takse jednakog efekta kao carine i ostale uvozne takse fiskalne prirode su u potpunosti ukinute, kao što je slučaj sa Republikom Hrvatskom, DZ Srbije i Crne Gore i Republikom Makedonijom.

Slijedi pregled Ugovora koji su u primjeni:

Ugovor o slobodnoj trgovini između Bosne i Hercegovine i Republike Turske, "Službeni glasnik BiH – Međunarodni ugovori", broj 6/03,

- uvozne carine i ostale uvozne takse fiskalne prirode, za robe porijeklom iz Turske, od 01.01.2005.godine se smanjuju na 35% od njihovog iznosa, sa izuzetkom proizvoda navedenih u Aneksu I za koje se carina i ostale dažbine plaćaju u cijelosti.

Ugovor o slobodnoj trgovini između Bosne i Hercegovine i Republike Moldove, "Službeni glasnik BiH - Međunarodni ugovori", broj 5/04,

- uvozne carine i dažbine jednakog efekta, za robe porijeklom iz Republike Moldove, od 01.01.2005. godine se smanjuju na 40% od njihovog iznosa.

Ugovor o slobodnoj trgovini između Bosne i Hercegovine i Rumunije, "Službeni glasnik BiH - Međunarodni ugovori", broj 6/04,

- od 01.01.2005. godine u potpunosti se ukidaju sve dažbine na industrijske proizvode, porijeklom iz Rumunije, sa izuzetkom onih navedenih u Aneksu I, koji se za potrebe Ugovora smatraju poljoprivrednim. Na proizvode iz Glave I- 24 Harmonizovanog sistema, uključujući one navedene u Aneksu I, a isključujući one navedene u Aneksu III Ugovora, plaćati će se stopa carine i ostalih dažbina shodno važećoj Carinskoj tarifi u BiH.

Ugovor o slobodnoj trgovini između Bosne i Hercegovine i Republike Albanije, "Službeni glasnik BiH- Međunarodni ugovori", broj 8/04,

- na industrijske proizvode sa izuzetkom proizvoda u Aneksu I, od 01.01.2005. godine, za robeporijeklom iz Albanije, uvozne carine i dažbine istog efekta smanjuju na 40% od njihovog iznosa. Kada se radi o poljoprivrednim proizvodima u koje su uključeni oni navedeni u Aneksu I, treba imati u vidu da su na proizvode iz Aneksa II dažbine ukinute stupanjem na snagu Ugovora , a na one navedene u Aneksu III od 01.01.2005. godine smanjuju na 70% od njihovog iznosa, što podrazumijeva da se na proizvode koji nisu obuhvaćeni pomenutim Aneksima plaća puna stopa carine.

Ugovor o slobodnoj trgovini između Bosne i Hercegovine i Republike Bugarske, "Službeni glasnik BiH-Međunarodni ugovori", broj 9/04,

- na industrijske proizvode, porijeklom iz Bugarske, osim onih u Aneksu I, nema dažbina u 2005. godini. Na poljoprivredne proizvode, uključujući Aneks I, primjenjuje se i dalje puna stopa carine, izuzimajući one navedene u Aneksu III na koje su dažbine ukinute stupanjem na snagu Ugovora.